

**Мұхтар Арын атындағы Қарғалы қазақ орта мектебі бойынша
“Арын еріктілер” мектепшілік клубының 2022-2023 оқу жылына
арналған жылдық есебі**

Адал ұрпақ тәрбиелеу – қай уақытта болса да өз маңыздылығын жоғалтпаған мәселе. Халқының мүддесін өз мүддесінен артық қоятын, адалдық, бауырмалдық, адамгершілік сынды асыл қасиеттерді бойына жинай білген тәрбиелі ұрпақ тәрбиелеу – барлығымыздың борышымыз. Болашақ ұрпағымызға тек тәрбие мен білім берумен шектеліп қана қоймай, адал еңбекқорлыққа да үйретуіміз керек. Адал еңбекқорлық – еліне адал қызмет ету және сыбайластық іс – әрекеттерден аулақ болудан тұрады. Өскелең ұрпақ сыбайлас жемқорлықтан аулақ болу үшін мектеп қабырғасынан бастап тәрбиені осы бағытта беру маңызды. Президентіміз Қ.К.Тоқаев: “Қоғамда жемқорлыққа мүлдем төзбеушілік қалыптасуы шарт. Балаларды ерте жастан жемқорлыққа қарсы мәдениет негіздеріне баулуды қол алған жөн” – деп атап өтті. Сонымен қатар, жемқорлықтың тамырына балта шаппаса, ұлттық қауіпсіздік пен мемлекеттің болашағына нұқсан келтіретінін айтып, бұл дертпен бір жеңнен қол, бір жағадан бас шығарып күресуге шақырды.

Мектебімізде «Арын еріктілер» мектеп клубының құрылу мақсаты-шәкірттерімізге рухани адамгершілік және азаматтық — патриоттық тәрбие беру. Олардың бойында сыбайлас жемқорлыққа қарсы мәдениетті қалыптастыру және сыбайлас жемқорлыққа мүлдем төзбеушілікті көрсететін құндылықтар жүйесін сақтау және нығайту, оқушылардың заң талаптарын сақтауға ынтысқан қалыптастыру болса, міндеті-мектепте сыбайлас жемқорлыққа қарсы мәдениетті қалыптастыру. сыбайлас жемқорлыққа қарсы көзқарасты нығайту бойынша бастамаларды көтермелеу, сыбайлас жемқорлыққа қарсы сипаттағы іс-шараларды ұйымдастыру болып табылады.

2022-2023 оқу жылының басында «Адал ұрпақ» еріктілер клубының жұмысы бойынша жылдық жоспар жасакталды. Бұйрық бойынша жауапты тұлғалар бекітілді. Жоспарға сай клуб мүшелері тағайындалды. Клуб мүшелері жоспарға сай бекітілген жұмыстарын уақытында орындап отыр.

Қыркүйек айында	мектептің кіреберіс	дәлізіне орналасқан
«Парасатты азамат» бұрышы	жасакталды.	Бұрыштың мақсаты: жас ұрпақты
Отансүйгіштікке, азаматтылыққа,	адамның құқықтарына,	бостандықтарына және
міндеттеріне құрметпен қарауға	, адамгершілік сезімдер	мен этикалық сананы,
еңбексүйгіштікке, оқуға, еңбекке, өмірге жасампаздықпен қарауға, адалдыққа тәрбиелеу.		

“Арын еріктілер” клуб мүшелері арасында «Қоғамдық тәртіп негіздері» тақырыбында пікірталас ұйымдастырылды. Шараның мақсаты: тақырып бойынша оқушының ойын, пікірін айтқызуға мүмкіндіктер жасау, қоғамдық тәртіп туралы, жемқорлық туралы оқушылардың ойларын біліп, оны ортаға салып талқылау.

Қазан айында «Қарттарым аман-сау жүрсін» акциясы аясында клуб мүшелері қарттар үйіне барып, қарттар күнімен құттықтап қайтты. Кейбір қарттар үйіндегі үлкендермен сұхбат құрып, көңілін ауласа, басқалары қарттардың үйіне азық-түлік алып барды, үй шаруасына көмектесті.

Қараша айында «Сыбайлас жемқорлыққа жол жоқ!» атты эссе байқауы өткізілді.

Желтоқсан айында өткізілген ҚР Сыбайлас жемқорлыққа қарсы іс-қимыл агенттігінің БҚО бойынша департаменті ҚР 2015-2025 жылдарға арналған сыбайлас жемқорлыққа қарсы стратегиясын басшылыққа ала отырып, сыбайлас жемқорлыққа қарсы мәдениетті қалыптастыру және нығайту, сондай-ақ замануи талаптарда парасатты тұлғаны дамыту мақсатында «Адал еңбектің жарқын бейнесі» атты сурет байқауы өткізілді.

Қаңтар айында сыбайлас жемқорлықтың алдын алу бағытында оқушылар арасында өткен қалалық «Адалдық адамдық белгісі» атты зияткерлік ойын өткізілді.

Ақпан айында жұмыс жоспарына сәйкес қар тазалаушы ағайларға ыстық шай таратып, мектеп жаныдағы қарды тазалауға көмектесті.

Наурыз айында «Мемлекеттік қызмет – елдің мүддесіне адал еңбек» атты шығармалар байқауы өткізілді. Байқауға 6-9 сынып оқушылары қатысты. Оқушылар адал еңбек ету тақырыбына байланысты өз ойларымен бөлісті.

Сәуір айында «Жемқорлыққа жол жоқ» тақырыбында қалалық кітапхана филиалымен бірлескен кездесу өткізілді. Шара барасында кітапхана қызметшісі мектеп оқушылары үшін кітап көрмесін дайындап, аталмыш тақырыптағы кітаптар топтамасымен тансытыры, оқушыларды адал еңбек етуге, жемқорлықтан аулақ болуға шақырды.

Егер жастайынан баланың санасына тазалық, жауапкершілік, патриотизм, Отанға деген сүйіспеншілік қағидаттарын сіңіретін болсақ, есейген кезде оның бойында сыбайлас жемқорлыққа қарсы иммунитет қалыптасып, саналы өмір сүруге мүмкіндігі жеткілікті болады. Шәкірттерімізді мектеп қабырғасынан осындай ізгі қасиеттерге баулитын болсақ, жемқорлық көріністеріне мүлдем төзбеушіліктің қағидаты қалыптасатын болады, демек, "Арын еріктілер" клубы да өз жұмысының нәтижесін беретіні анық.

Осы клуб жұмысы арқылы балаларды адамгершілігі мол, намысты азамат болуға, мемлекеттік мүлікті бүлдірмеуге, намысты азамат болуға, кісі ақысын жемеуге, ешкімнің ала жібін аттамауға тәрбиелейміз. Мемлекетіміздің болашағы саналатын мектебіміздің осындай белсенді оқушыларынан үлкен үміт күтеміз. Өз заңын құрметтеп-қастерлейтін, еліне шын берілген адал ұрпақ-Мәңгілік Елдің кепілі.

"Арын еріктілер" клубының жетекшісі  М.Байбатыров

«Қарттарым аман-сау жүрсін» қарттар үйіне бару



10"Б" сыныбы. Сынып жетекшісі: Ергазина Ж.



9"А" сыныбы. Сынып жетекшісі: Жалғасова Л.



82 жастағы жалғыз басты Тамара әжейді қарттар күнімен құттықтап қайтты. Қарттың көңіл-күйін сұрап, қол көмегіміз ұнап, ақ тілегін білдірді.